

ქ. თბილისი

20 ივნისი, 2023 წელი

ერთი მხრივ, სსიპ „საქართველოს კომუნიკაციების ეროვნული კომისია“ (შემდგომში შემსყიდველი), წარმოდგენილი კომისიის თავმჯდომარის კახი ბექაურის სახით და მეორე მხრივ, სსიპ „საქართველოს ტექნიკური უნივერსიტეტი“ (შემდგომში - „მიმწოდებელი“), წარმოდგენილი ადმინისტრაციის ხელმძღვანელის კარლო კოპალიანის სახით, „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის დამტკიცების თაობაზე“ სახელმწიფო შესყიდვების სააგენტოს თავმჯდომარის 2015 წლის 17 აგვისტოს N13 ბრძანების მე-2 მუხლის ა) ქვეპუნქტის შესაბამისად, ვდებთ წინამდებარე სახელმწიფო შესყიდვის შესახებ ხელშეკრულებას შემდეგზე:

## 1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში ხელშეკრულება) - „სახელმწიფო შესყიდვების შესახებ“ საქართველოს კანონის საფუძველზე, შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით, დამატებით და ასევე ყველა დოკუმენტაციით, რომლებზეც ხელშეკრულებაში არის მინიშნებული;
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3. „დღე“, „კვირა“, „თვე“ - კალენდარული დღე, კვირა, თვე, თუ სხვა მითითებას არ შეიცავს წინამდებარე ხელშეკრულება.
- 1.4. „შემსყიდველი“ - ორგანიზაცია, რომელიც ახორციელებს მომსახურების შესყიდვას სახელმწიფო შესყიდვის შესახებ ხელშეკრულების შესაბამისად;
- 1.5. „მიმწოდებელი“ - პირი, რომელიც შემსყიდველს აწვდის მომსახურებას სახელმწიფო შესყიდვის შესახებ ხელშეკრულების შესაბამისად;
- 1.6. „მიღება-ჩაბარების აქტი“ - წერილობითი დოკუმენტი, რომელიც ფორმდება მომსახურების მიღების შემდეგ.

## 2. ხელშეკრულების საგანი

- 2.1. შემსყიდველის 8 თანამშრომლისთვის ელექტრო უსაფრთხოების მე-3 ჯგუფის დაშვებისთვის საჭირო ტრენინგისა და თანმდევი გამოცდის ჩატარების მომსახურების (შემდგომში „მომსახურება“) სახელმწიფო შესყიდვა.
- 2.2. ტრენინგი მოიცავს შემდეგ საკითხებს:
  - 1) ელექტროუსაფრთხოების ზოგადი წესების, მათ შორის, სამუშაოზე დაშვების წესების და სამუშაოს შესრულებასთან დაკავშირებული სპეციალური მოთხოვნების სწავლება; საქართველოს მთავრობის დადგენილება №340-ით დამტკიცებული: „უსაფრთხოების ტექნიკის წესები ელექტროდანადგარების ექსპლუატაციისას“ მოთხოვნათა მიხედვით.
  - 2) ელექტროდანადგარების ტექნიკური ექსპლუატაციის წესების სწავლება. საქართველოს მთავრობის დადგენილება №434-ით დამტკიცებული: „ელექტროსადგურების და ქსელების ტექნიკური ექსპლუატაციის წესები“-ის მოთხოვნათა მიხედვით.
  - 3) ხანძარსაწინააღმდეგო უსაფრთხოების ნორმების სწავლება (ელექტრო მოწყობილობებში); საქართველოს მთავრობის 2015 წლის 23 ივლისის N370 დადგენილებით დამტკიცებული ტექნიკური რეგლამენტი – „სახანძრო უსაფრთხოების წესების და პირობების შესახებ“ მოთხოვნათა მიხედვით.
  - 4) ელექტრული დენით დაზიანებისას დაზარალებულისთვის პირველადი სამედიცინო დახმარების აღმოჩენის სწავლება. და ელექტრო უსაფრთხოების მე-3 ჯგუფის დაშვებისთვის ნებართვის მისაღებად საჭირო სხვა საკითხები.

## 3. ხელშეკრულების ღირებულება

- 3.1. მომსახურების ღირებულება ერთი თანამშრომლისთვის შეადგენს 150 ლარს, საქართველოს კანონმდებლობით გათვალისწინებული გადასახადების ჩათვლით.

3.2. ხელშეკრულების ჯამური ღირებულება შეადგენს 1200.00 (ათას ორასი) ლარს საქართველოს კანონმდებლობით გათვალისწინებული გადასახადების ჩათვლით.

#### **4. ანგარიშსწორების პირობები და მიღება-ჩაბარების წესი**

4.1. შემსყიდველი მიმწოდებელთან ანგარიშსწორებას ახორციელებს მიმწოდებლის მიერ მითითებულ საბანკო ანგარიშზე თანხის გადარიცხვით ეროვნულ ვალუტაში.

4.2. მიმწოდებელთან ანგარიშსწორება იწარმოებს მომსახურების სრულად გაწევის შემდგომ, მიღება-ჩაბარების აქტის გაფორმებიდან 10 (ათი) სამუშაო დღის ვადაში.

4.3. მომსახურება სრულად შესრულებულად და მიღებულად ჩაითვლება შემსყიდველსა და მიმწოდებელს შორის მიღება-ჩაბარების აქტ(ებ)ის გაფორმების შემდეგ. მიღება-ჩაბარების აქტი გაფორმდება ტრენინგისა და გამოცდის ჩატარების შემდგომ, გამოცდის წარმატებული შედეგების მიუხედავად.

4.4. ხელშეკრულებით ნაკისრი ვალდებულებების შესრულების თაობაზე, შემსყიდველის მხრიდან შესაბამისი მიღება-ჩაბარების აქტის ხელმოწერაზე უფლებამოსილება ენიჭება კომისიის ადამიანური რესურსების მართვისა და ორგანიზაციული განვითარების სამსახურის უფროსის მოვალეობის შემსრულებელს სოფიო კაციტაძეს.

#### **5. მომსახურების მიწოდების ვადები და პირობები**

5.1. ტრენინგის ხანგრძლივობა განისაზღვრება არაუმეტეს 4 საათით. ტრენინგის ფორმატი : ონლაინ.

5.2. მიმწოდებელი უზრუნველყოფს ტრენინგის ჩატარებას 2023 წლის ივნისში. მიღებული ცოდნის შემოწმების მიზნით გამოცდა ჩატარდება ტრენინგის დასრულებიდან არაუგვიანეს მომდევნო სამუშაო დღისა, ონლაინ ფორმატში.

5.3. მომსახურების სრულად დასრულების და გამოცდის წარმატებულად ჩაბარების შემდგომ, მიმწოდებელი უზრუნველყოფს 1 (ერთი) წლიანი მოქმედების ვადის მქონე მოწმობის (დაშვება) გაცემას. მოწმობა შემსყიდველს გადაეცემა არაუგვიანეს 10 სამუშაო დღისა.

#### **6. სტანდარტები და გარანტია**

6.1. მიმწოდებელი ვალდებულია უზრუნველყოს ხარისხიანი და სტანდარტების შესაბამისი მომსახურების მიწოდება.

6.2. მიმწოდებელი ადასტურებს, რომ აკრედიტებულია სსიპ „აკრედიტაციის ერთიანი ეროვნული ორგანო - აკრედიტაციის ცენტრის“ მიერ.

#### **7. მხარეთა უფლება-ვალდებულებები**

7.1. შემსყიდველი უფლებამოსილია:

7.1.1. ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი;

7.1.2. მომსახურების მიწოდების დასრულებამდე გამოითხოვოს მიმწოდებლისაგან მისთვის საჭირო დოკუმენტი.

7.2. შემსყიდველი ვალდებულია:

7.2.1. უზრუნველყოს მიმწოდებლისათვის მიღებული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

7.2.2. უზრუნველყოს წარმომადგენლის გამოყოფა, რომელიც ზედამხედველობას გაუწევს პროცესს და საჭიროების შემთხვევაში, მიმწოდებელს გაუწევს შესაბამის კონსულტაციას.

7.3. მიმწოდებელი უფლებამოსილია მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

7.4. მიმწოდებელი ვალდებულია მიაწოდოს სათანადო ხარისხის მომსახურება სრული მოცულობით.

#### **8. ხელშეკრულებით ნაკისრი ვალდებულებების შესრულების კონტროლი**

8.1. შემსყიდველს ან მის წარმომადგენელს უფლება აქვს განახორციელოს კონტროლი მიმწოდებლის მიერ ნაკისრი ვალდებულებების შესრულებაზე ან/და შეამოწმოს მომსახურების შესაბამისობა ხელშეკრულებით გათვალისწინებულ მოთხოვნებთან.

8.2. ხელშეკრულებით ნაკისრი ვალდებულებების შესრულებაზე კონტროლისა და შემოწმების განხორციელებას შემსყიდველის მხრიდან უზრუნველყოფს კომისიის ადამიანური რესურსების მართვისა და ორგანიზაციული განვითარების სამსახურის უფროსის მოვალეობის შემსრულებელი სოფიო კაციტაძე.

## **9. პირგასამტეხლო ხელშეკრულების პირობების შეუსრულებლობისათვის**

9.1. მიმწოდებლის მიერ სახელშეკრულებო ვალდებულებების შეუსრულებლობის ან არაჯეროვანი შესრულების შემთხვევაში, შემსყიდველი უფლებამოსილია შეწყვიტოს ხელშეკრულება და მიმწოდებელს დააკისროს პირგასამტეხლო ხელშეკრულების საერთო ღირებულების 5% ოდენობით.

9.2. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

## **10. ხელშეკრულებაში ცვლილების შეტანა და ხელშეკრულების შეწყვეტა**

10.1. ხელშეკრულებაში ნებისმიერი ცვლილების ან/და დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულება შეიძლება შეწყდეს ვადაზე ადრე მხარეთა შეთანხმებით ან კანონმდებლობით გათვალისწინებულ შემთხვევებში.

10.3. ხელშეკრულების ერთ-ერთი მხარის მიერ, ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, აღნიშნულის თაობაზე მეორე მხარისათვის წერილობითი შეტყობინების შემდეგ.

10.4. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულების შესრულებისაგან.

10.5. შემსყიდველს, შეუძლია მიიღოს გადაწყვეტილება ხელშეკრულების შეწყვეტის შესახებ, ასევე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების ან/და ლიკვიდაციის შემთხვევაში;

გ) თუ მისთვის ცნობილი გახდა, რომ მიმწოდებლის მიერ წარმოდგენილი დოკუმენტაცია ყალბია;

დ) საქართველოს კანონმდებლობით გათვალისწინებულ სხვა შემთხვევაში.

10.6. ამ მუხლის 10.5. პუნქტის ა) ქვეპუნქტში მითითებულ შემთხვევაში შემსყიდველი ვალდებულია აუნაზღაუროს მიმწოდებელს ფაქტობრივად მიწოდებული მომსახურების ღირებულება.

## **11. გამოყენებული სამართალი და ხელშეკრულების ენა**

11.1. ხელშეკრულება გაფორმებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

11.2. ხელშეკრულება დაიწერა ქართულ ენაზე.

## **12. გადასახადები და დაბეგვრა**

მიმწოდებელი პასუხს აგებს საქართველოს კანონმდებლობით დადგენილი გადასახადის, მოსაკრებლის და სხვა გადასახადების გადახდაზე.

## **13. დაუძლეველი ძალა**

13.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით.

13.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის შესახებ.

13.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

#### 14. დაგები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, მხარეები უფლებამოსილნი არიან დავის გადასაწყვეტად მიმართონ საქართველოს შესაბამის სასამართლოს საქართველოს კანონმდებლობის შესაბამისად.

#### 15. ინტერესთა კონფლიქტის თავიდან აცილება

შემსყიდველის მხრიდან ხელშეკრულებაზე ხელის მომწერი პირი ვადასტურებს, რომ არ ვიმყოფები ინტერესთა კონფლიქტში ხელშეკრულებაში მითითებულ მიმწოდებელთან „სახელმწიფო შესყიდვების შესახებ“ საქართველოს კანონის მე-8 მუხლის შესაბამისად.

#### 16. ხელშეკრულების მოქმედების ვადა

ხელშეკრულება ძალაში შედის ხელმოწერის დღიდან და მოქმედებს 2023 წლის 31 დეკემბრის ჩათვლით.

#### 17. მხარეთა რეკვიზიტები

##### შემსყიდველი:

სსიპ „საქართველოს კომუნიკაციების ეროვნული კომისია“  
მისამართი: თბილისი, ქეთევან წამებულის  
გამზირი/ბოჭორმის ქ. №50/18  
საიდ. კოდი: 204953050  
სს „თი ბი სი ბანკი“  
TBCBGE22  
ა/ა: GE11TB060000000609326

##### მიმწოდებელი:

სსიპ საქართველოს ტექნიკური უნივერსიტეტი  
მისამართი: თბილისი, 0160, კოსტავას ქ. N77  
ს/კ 211349192  
მიმღების ბანკი - სახელმწიფო ხაზინა;  
მიმღების დასახელება - ხაზინის ერთიანი ანგარიში;  
ბანკის კოდი - TRESGE22;  
მიმღების ანგარიში -სახაზინო კოდი 708977259.

კომისიის თავმჯდომარე  
კახი ბექაური



ადმინისტრაციის ხელმძღვანელი  
კარლო კოპალიანი